

Mossi - Kāaba Sebr Sōngo - Promises Scriptures

Singrē 20:6 Dē la Soaala-Wēnd yeel-a, a zāmsdē: «Ya m sēn mi tū f yaa pu-peen-neda la m pa sak tū f tuum wēng ne-a, tū f pa sūls-a ye.

Ezipt Yiib Kibare 35:21,26 Yamleoog tuum-tumdba fāa waame. Neer baoodba fāa talla b kūuni n wa kō Soaala-Wēnde, sekā roog tiib yīnga, fu-sōma wā wugb yīnga. 26 Sēn da rat-ba la sēn da mi-b bu-kōbd gīs wīib waame.

Sōadga 10:35 B sā n wa yikd ne kuga walsa sēn da be koglg ning pugā a Moyiiz ra yetame: «Yiki yā, Soaala, tū y bēeba na sēege, tū sēn maand b zabra ne yāmba na kūl tīiga!»

Yaoolem 2:25 Rūnda tēka m na kitame tū dūni wā neba fāa rigd la b yēesd y taoore. Y yūra sā n pud bala, b na n saoo kalwaare.»

Yaoolem 9:3 Dūnna f na bāng tū yaa Wēnnaam, f Soaala, meng n lūl f taoore n na n duug Zurdē. B na n duug-a-la wa bugum sēn zom moogo. Bāmb meng b toore n na n varg bēebā. Bāmb meng b toore n na n gāneg-b fo taoore, tū fo yaool marsā n kē b tēngā n menes-b wala Wēnd sēn kāab-fo.

Zozuwe 2:9 n yeel-ba: «M miime tū Soaala-Wēnd dīka tēng kānga n sagl y nusē, m miime tū d fāa yēesame la tēngā fāa rigda y taoore.

1 Samwel 17:48,50 Filisti rao wā yikame, n yāosdē, n wat a Daviid segbo. A Daviid wudgame n tū seg Filisti rao wā n na n zab ne-a. 50 Yū woto! Ne loaabga la kugri, a Daviid pāng yūga Filisti rao wā, a lub-a lame, n kū-a, t'a nug yaool n pa zāad suug ye.

Ester 8:17 Sebra sēn moon dīma soolma tēn bedr fāa pugē, dīma noor sēn ta zīg ning fāa, a waa ne Zuif rāmba langre, sū-noogo, kibs bed ne rū noodo.

Rabeema kitame tū neb ka tek tiig n lebg Zuif rāmba ne bāong kēesgo la Zuif rāmba rog-n-mik tūbu.

Zoob 29:14 M da yera sōmblem wa m fuugu, zemsgo n da ya m fuyorgo la m zu-vindga.

Yelbūna 13:11 Arzék sā n tigs wakat yēnga, daar a ye n set-a, arzék sēn paasd bilf-bilfu fūdame.

Yelbūna 13:22 Nin-sōng yagense n dīt a raboogo, yel-maand sēn paam arzék ninga lebda nin-sōngo.

Yelbūna 22:22,23 Da tū naong soab ka pāngā n loog ne a sēn tar ye; buvd zīgē me bū f ra wībg sēn ka tar-a sōangd ye. 23 Naaba-Wēnd na n sōng-a lame, la yaa fāadba vūl la b na n deege.

A Izayi Sebre 35:8 So-raoog na n piūuga be, tū b bool-a tū sor sēn welg toore; nin-dēgd soab pa rīkd so-kāng ye, Soaala meng n na n pak sorā, gāeems kōn saag n tū so-kāng ye.

A Izayi Sebre 43:2 F sā duugd ko-ralma, m na zīnd f sēegē; f sā duugd ko-zoetem, a kōn dī-f ye. F sā loogd bugum sūka a kōn yōog-f ye, bug-walma kōn maan-f būmb ye.

A Izayi Sebre 49:25 Ade, Soaala-Wēnd yeta woto: «B na n deega zabr

gāndaooga nugē a sēn da yōk a soaba n pag roogo, n deeg nin-toaaga nugē, a sēn da fāag laog ningā! Zerizalēem, ad yaa mam meng n na n zab n sōng-fo, la m fāag f kambā.

A Izayi Sebre 54:17 Bāng marsā tū zab-teoogo sēn na n dīk n zab ne foom kōn tōog kudb ye. Ned ninga me sēn na n boola foo buudo yē soab n na n paa buudo. Soaala-Wēnd tuum-tumdba puur la woto, m sēn tog n sōng-b ne būmb ningā, bōn-kāng kōn paoog-b ye.»

A Izayi Sebre 59:17,19 B dīka zemsgā n yeelg wa kut fuugu, fāagrā n lebg b kut pugla. B yeelga b zab-n-dok-sūur fu-yorgo, la wala fu-goabga, b rīka b nonglma sēn ka mi belgrā n pil b menga. 19 La woto b yvura na paam waoogre yaang la taoore, goabg la ritgo, b sēn na n wa ne ziira raare, n wa wala kūl-bēeg koom sob-raoog sēn tusd ne pānga.

A Izayi Sebre 61:10 Soaala-Wēnd pidsd-m-la sū-noogo, M Wēnda pidsd-m-la ne kīdengo; sōngr ning b sēn sōng-ma, wēnda fuug b sēn yeelg-ma. M sū-noog yaa pug-sīd sū-noogo, pug-sīd sēn ning a kibs pugla, m sū-noog yaa pug-paal sū-noogo, pug-paal sēn ning a fan-teedo.

Ezekiyel 22:30 Bāmb fāa sūka m bao ned sēn na n yik n me lal-gūbri bī ned sēn na n yik n yals lalsa sēn wurg zīg ningā, n zab n sōng tēnga rāmba la a gīdg-m tū m da wāa-a ye, la m pa yāend ned ye.

Ezekiyel 45:8 Woto Israyel tēn-peelmē dīm dāmba tara b zīga. B kōn le maand Wēnd neba pān-tōog ye, b na bas vēenema sēn kellā a Israyel sagsa yīnga.»

Daniyel 4:16 A Daniyel, b sēn boonda a soab tū Baltazar, yāendame tū yēla ra gudugda a yamē t'a yēse. Dē la rīma yeel-a: «Baltazar, m zāmsdā ne a vōora ra yēes-f ye.» A Baltazar leokame: «Dīm sōngo, m nongē lame tū zāmsda ne a vōora yī y bēeba yīnga, sēn dat-ba n makd b meng ne yāmba yīnga.

Daniyel 7:4 Pipi soaba ra wēnda bōnyēega n tar pa-nand-tugri pīgsa. La m sēn tar a gesgo, m yāeeme tū b gusd a pīgsā. B zēk-a lame n yalsd a poorē nao wā zutu wa ninsaala, la b kō-a-la ninsaal yam.

Zakari 4:6 La malēkā leok-m-la woto: Malēka yeel-m lame tū m taas a Zorobabel gomd kānga: «Dūni fāa Soaala yetame: <Ad ka na n tū ne f yāoog pānga bī ne f kang wīkre la f na n tum f tuumda ye, na n tūu ne maam, Naaba-Wēnd maasem.» »

A Matiye Sōng 24:22 B sā n da ka boogē dasem kāens sōore, ned ba a ye kōn pōsē ye, la nin-sōma wā yīnga, daara sōor na n boogame.

A Matiye Sōng 26:41 Bas-y gōeem la y pūus n da lūl ye tū ninsaal sūur data la a pāng paooda.»

A Mark Sōng 10:48-52 Neb wūsg da zabda ne-a, n yet t'a sīnd a noore. La yē da moondame n yūd pīnda: «Daviid biiga, zoe-y mam nimbāanega.» 49 A Zezi yaasame n yeel: «Bool-y zoangā!» Tū b bool-a n yeel-a: «Keng f pēlga, yik tū b boond-f lame.» 50 La zoanga loba a fuug n wudg n ta a Zezi taoore. 51 A Zezi sok-a lame: «Fo ratame tū m maan-f bōe?» Tū zoanga yeele: «Karen-saamba, sōng-y tū m nina puki!» 52 La a Zezi yeel-a lame: «Bī f kēng tū f tēeb fāag-f lame.» La tao-tao bala, a nina pukame, t'a ra tūud a Zezi. (A Matiye Sōng

20:30-34)

- A Mark Sõng 16:20 La Tuum-tumdba saaga zīis fāa n zāms Kibar noogā, la Soaala ra sōngd-b lame, la b da maanda wēnd makr dāmba n paasdē.
- A Luk Sõng 14:23 Tū zu-soaba yeel a sōgne: «Kēng so-raadē la so-bugsē, n wool neba tū b wa kē tū m doog pidi. 24 Man yeta yāmba, tū b sēn deng n bool b rāmba fāa ned ba a ye kōn lemb mam dūba ye.»
- A Luk Sõng 21:15 Mam na n kōo yāmb noor la yam tū y bēeba no-koeema wēneg n se.
- A Luk Sõng 21:36 Dēn yīnga, gūus-y la puus-y, n paam pānga n pōs yel-beed ninga sēn wate la y tū yaas yīngri, Ned Biiga taoore.»
- A Zā Sõng 17:15 M pa kot yāmb tū y yiis-b dūniya, m kot-y lame bal tū y fāag-b ne Wēnga.
- Tuum-Tumdba Vūm 11:23 Yē me waame; a yāenda Wēnd kūuna sēn yī a soaba; a sūur yū noogo la a sēn mi saglg yīnga a kō-b-la pānga tū b da le bak ne Soaala ye.
- Tuum-Tumdba Vūm 13:48 Bu-zēmba sēn wūm dē, b sūur yū noogo tū b na n pēg Koe-noogā. Sēn paam-b Wēnd zelemd noogā, vūm sēn ka be sēeb kāabgā, faa saka tēebo.
- 1 Korēnt Rāmba 10:13 Y nan pa seg kuubgo sēn zuvg ninsaal pāng ye. Wēnd yēsa b sid zīigē la b kōn sak tū y paam kuubg sēn yūd y pāng ye; kuubg sā n wa, b na kō-y dabaare tū y rig-a n zāage, b na kō-y pāng tū y maan daoodo.
- 1 Korēnt Rāmba 16:9 tuumda roog paka kēoong n gūud-ma la bēeba me ka paood ye.
- 2 Korēnt Rāmba 12:9 tū b leok maam: «Base, m sōngr kōn paoog f ye, m pānga na keng f komsem.» Woto wā yaa ne sū-noog kāseng la m lvūsd m kombsma taoore tū Krista pānga tōog n sig m zugu.
- Efēez Rāmba 6:11 Rīk-y Wēnnaam zab teedo n bobe, n tōog n teedg ne Sutāana Ebre Rāmba 1:7,14 Sā n yaool n ya ne malegsa la b gomda, b yeta woto: B kītame tū b malegsā wēnd sobgo, n kit tū b sōgen-kamba wēnd bugum sēn tuul ne rūbo. 14 D sok n gese, b fāa ka yam dāmb sēn deeg sōgen-kamb tuumda bal laa? Ka sēn na n paam-b fāagra yīng la b tuumda laa?
- Zak 4:7 Woto wā, sak-y Wēnde la y tōdg Sutāana, t'a na zoe n menem.
- 1 Piyer 5:10 Y sā n paam n nams bilfu, ad-y Wēnd sēn ya kūuna fāa kōatā la bāmb n bool yāmb tū y wa rū vūm sēn kōn se yōodo ne Krista a Zezi, Bāmb meng b toore n na n le yals yāmb y nao zutu la b kō-y keelem la pānga tū b mak y mimsg n konge.